

北京圖書館 編

北京圖書館藏珍本
年譜
叢刊

第 108 冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 108 冊



(清)錢榮編，吳玉綸續編 清抄本

香亭先生年譜

(清乾隆三十五年至續譜卷末)

第一〇八冊目錄

香亭先生年譜清乾隆三十五年至續譜卷末		一
謙山行年錄		二〇九
乾州公年譜		二八一
先太孺人年譜		三〇七
段玉裁先生年譜		三三九
段懋堂先生年譜		四四七
內閣中書保存年譜		五一七
雲谷年譜		五二五
楚珍自記年譜		六〇五

庚寅先生年三十九歲

二月攝江南道監察御史遷刑科給事中五月
遷鴻臚寺少卿作古藤詩思圖先生於壬午春
由李鐵拐斜街移寓琉璃廠北巷古海王村也
向為王漁洋司寇故宅手植紫藤一株舊本久
枯己丑先生復來寓次年抽蔓復花繪圖作記
題七古一章陳宮端浩書額說者謂結緣風雅
殆東坡繼躅香山也德宗伯定圃先生句云我
從柏府論交久聲名肯落前賢後護持好比名

公棠不獨新詩滿人口紀尚書昀句云得公一
記足不朽其壽已比恒河沙漁洋有靈應起舞
吾花不枉重萌芽朱尚書珪句云誅茅即是宋
玉宅種桃已得劉郎津圖成兩卷歌喁于風流
不減王尚書阮侍郎葵生句云顧家椿樹查家
棗一樣題詩集裡編當代名流題咏殆遍如聚
家前輩得五先生焉而文端宮傳尤曾過漁洋
此寓者蔣編修士銓譜南呂雙聲十三首園林
好調云舊騷壇詩人散亡恰有個鴻臚繼響暢

好發延陵高唱虛亭下着匡床雕闌畔樹吟幢
江兒水云野服同桑苧冰銜改太常看琴邊酒
畔清豪狀更茶半香初蕭疎樣又歌闌宴罷低
迷況在文字堆中跌宕比並前人誰道先生無
兩川撥棹云琉璃殿認韋家花樹坊笑爭墩王
謝荒唐笑爭墩王謝荒唐去來今因緣兩忘夫
于亭在那廂帶經堂在那廂川撥棹換頭云願
人與藤蒼壽共長藤與詩人名並芳說新城固
始相望說新城固始相望証前身三生石旁悟

風來鼻觀香悟風來鼻觀香尾聲云鶯溪絹寫
詩翁像合改換吳家白玉堂且把這一架新藤
讓與替人掌頗擅柳屯田曉風楊柳之遺九月
從姪廷撰舉於鄉十月磨勘直省鄉試卷紀錄
一次為鼎颺娶婦馬氏十一月

派扈

蹕東巡遷光祿寺少卿具摺請仍隨往報可十二月
兄觀察公遷肅州兵備道

辛卯先生年四十歲

恭逢

慈寧八旬大慶先生授朝議大夫任夫人封恭人正月
扈

蹕東巡屢

賜果品貂緞磁器煙壺等件二月至泰安是晚熱甚
大塊噫氣自空而發行帳萬攢燈火忽隱忽現
馬鳴風吼終夜有御虛凌空之勢扈從諸君子
僉曰百靈拱護猶萬派朝宗其信然乎次早風
和日麗旭景曛曛

聖駕登山成禮後同申副憲甫曹少宗伯秀先彭洗
馬冠厯介邱梁父諸峰躋岱宗之巔沐日月之
光計自起

蹕以至迴

鑾恭和

御製詩六十餘首洵游咏盛事也幕友華國學冠於
風發之夕書匣吹散失却監照一紙為告知秦
安令詳部補給應本年鄉試四月旋京京察二
等五月遷通政司叅議七月病先生晝寢於古

藤書屋中夢有告者曰君將壓焉胡弗速起是
晚以孟秋時享宿公所病歸而臥夜雨如注甫
出戶屋就隳爰遷後堂床又碎於危墻而先生
免自此病益甚九月始愈記病之文曰方病危
時內子之生母節孝陳孺人適棄世不克視含
襚余抱憾姪鼎雯以醫藥來漏下三四十刻無
倦容予增感余妻若妾殷勤問起居大抵付之
不見不聞強制之力為多余以噩夢而病不厄
於屋之覆而脫於垣之毀蓋有數存乎其間無

足異者惟余返而自思呻吟斗室六七十日之久瀕於危者屢矣而有觸輒動猶拳拳於所憾者而抱痛所受者而知感病於身不病於心殆天理流行生機之未息乎罔以私情擾害真性是病聽命於心心不為病所役靜而存之裕如也於此見先生之慎疾是月也節孝陳孺人卒先生傳曰孺人吳縣人余內子之生母外舅任復旦公側室也乾隆辛酉外舅卒於邵武官舍遺幼女一孺人出也外姑張恭人所出五子皆

先卒子婦孫安人無出將以從孫紹為安人後
又在籍是時門無孤兒室多嫠婦靈移海角祖
祭何人輾轉數千里鬢髻麻苧宵晨對泣卒能
扶櫬以歸恭人嘗告余曰葬有日矣哀臨穴之
莫追嘆持家之不易未亡三人實共憂之語未
竟淚涔涔下未幾恭人又棄世孺人偕安人協
力同心為紹授室生子慰兩大入於地下而孺
人女漸成立矣庚午余親迎越十九年戊子迎
孺人於京邸辛卯以病卒歸葬於外舅墓側卒

之前一歲以節孝旌於閭論曰孺人之初歸也
余外舅方官閩奄其徂泯自傷薄命比紹能持
門戶而家徒四壁立矣迨相依於京邸喜內子
之生子鼎颺也又屬置顧氏妾生子端生余得
有二子焉乃余於孺人彌留之際適病且危附
身附棺未能親理其事嗚乎天蓋始終厄孺人
而特以節孝為孺人重也悲夫

壬辰先生年四十一歲

三月移居宣南坊之橫街先是仁和陸大司馬

宗楷致仕將歸覓其屋者甚夥或為先生謀可
減直得之先生不可既而司馬知之過先生曰
公誠長者感公厚意雖得高直不願售諸他人
乃以是屋歸先生分海王村之古藤移植於此
引蔓更盛癸巳作引藤書屋圖題七古一章翁
閣學方綱書額陸副憲錫熊題句云吳公風雅
如王公移根近到橫街東却從陳迹出新話如
別父老攜兒童曹學士仁虎句云人如九老當
筵集巷有雙身隔巷移馮鴻臚應榴句云衣冠

豈惟八蕭繼品望直與三蘇爭新藤又比古藤
重故事壓倒王新城至於畫卷都人重風騷一
力任此圖此記何人有此藤此屋何代無與小
子此中行樂地幾輩許登堂之句則皆被親炙
而詠春風用誌景仰私意而先生自敘乃示絜
等以勿負公明之任天下文章莫大於是矣五
月遷內閣侍讀學士從姪貽桂成進士授戶部
主事六月兄觀察公病假還里

癸巳先生年四十二歲

五月五日子端生生顧孺人出六月顧孺人卒
孺人名有容字香圃崑山顧氏之裔年十五歸
先生越五年卒孺人能畫蘭竹詩亦婉秀卒之
前一歲題九九消寒圖句云待得杏林春色滿
須知冰雪是前身詩識也有香圃集一卷童廷
尉鳳三選若干首附刻香亭詩稿之末褚學士
廷璋題遺稿云碧霞宮裏掌書仙偶謫人間十
九年小印綠窓留賸稿忍將箋墨付雲煙鴛湖
詩叟筆通神拄頰蕭齋鑑別真餘事畫屏張小